




979



樂城集

一五

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black

Inches

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

學城校集目錄

第一卷

詩七

次

次



次


次

次

次

次





樂城後集目錄

第一卷

詩七十首

次韻子瞻感舊

次韻題畫卷四首

山陰陳迹
四明在客

雪溪乘興
西塞風雨

送姪邁赴河間令

次韻門下呂相公車駕眎學

傳銀青挽詞二首

大雪三絕

和王晉卿都尉茶蘂二絕句

次韻門下呂相公同訪致政馮宣猷

滕達道龍圖挽詞二首

魯元翰中大挽詞二首

贈司空張公安道挽詞三首

蔡州任氏閱世堂

次韻子瞻和淵明飲酒二十首

次韻子瞻道中見寄

郊祀慶成

次韻姚道人

次韻子瞻上元扈從觀燈二首

蔡州壺公觀劉道士

大行太皇太后挽詞二首

次韻姚道人一首

次韻石芝

故樞密蔡書贈正議大夫王彥霖挽詞二首

讀史六首

和子瞻雪浪齋

次韻子瞻生日見寄

蹇師嵩山圖

望嵩樓

思賢堂

阻風

次韻子瞻遊羅浮山

次韻子瞻江西

雨中遊小雲居

第二卷

詩七首

次韻子瞻上元見寄

次韻子瞻連雨江漲二首

次韻姪過江漲

亡嫂靖安君蒲氏挽詞二首

寄題武陵柳氏所居二首

天真堂
康樂樓

筠州州宅雙蓮

奉同子瞻荔枝歎

次韻子瞻梳頭

勸子瞻修無生法

石盆種菖蒲甚茂忽開八九華或言此華壽

祥也遠因生日作頌亦為賦此

子瞻和陶公讀山海經詩欲同作而未成夢

中得數句覺而補之

成都僧法舟為其祖師寶月求塔銘於惠州
還過高安送歸

東西京二絕

唐相二絕

寓居六詠

和子瞻新居欲成二首

次遲韻二首

次遠韻

次韻子瞻和陶公止酒

次韻瞻子過海

過姪寄柳冠

寓居二首 東樓

所寓堂後月季再生與遠同賦

浴罷

次遠韻齒痛

子瞻問瘦以詩見寄次韻

次韻子瞻獨覺

次韻子瞻夜坐

次韻子瞻寄賀生日

次韻子瞻寄黃子木杖

次韻子瞻謫居三適旦起理髮
夜卧濯足 午窓坐睡

同子瞻次過遠重字韻

次韻子瞻和淵明擬古九首

兩中招吳子野先生一絕

荅吳和二絕

閏九月量九與父老小飲四絕

求黃家紫竹杖

賦豐城劍

范丞相堯夫挽詞二首

卜居

和子瞻過嶺

子瞻贈嶺上老人次韻代老人答一絕

第三卷

詩七十首

大行皇太后挽詞二首

追尊皇太后挽詞二首

贈史文通奉議二首

次前韻示楊明二首

唐修撰義問挽詞二首

寄題登封揖仙亭

吳冲卿夫人秦國挽詞二首

十一月十三日雪

補子瞻贈姜唐佐秀才

遷居汝南

索居三首

聞諸子欲再賃卞氏宅

任氏閔世堂前大檜

贈蔡駟居士

癸未生日

白鬢

寒食二首

潁川城東野老

汝南示三子

謝任亮教授送千葉牡丹

思歸二首

萬蝶花一絕

春盡

亭中詠醉人

立秋偶作

汝南遷居

寄內

病愈二首

九日三首

立冬聞雷

將歸二首

示資福論老

三不歸行

罷提舉太平宮欲還居潁川

次遲韻寄迺遜

次遲韻對雪

還潁川

題鄆城彼岸寺二首

文殊院古樞武宗元北郊書文殊玄贊

上巳日夕病不出示兒姪二首

葺東齋

次遲韻千葉牡丹二首

盆池白蓮

詠竹二首

見兒姪唱酬次韻五首

初得南園

移竹

記夢

第四卷

詩七十首

葺居五首

再賦葺居三絕

歲莫口號二絕

雪後小酌贈內

喜雨

收蜜蜂

養竹

和遲田舍雜詩九首

雨病

施崇寧寺馬

南堂新斲花壇二首

夢中謝和老惠茶

新霜

戲作家釀二首

冬至雪

歲莫二首

春後望雪

除夜

喜雨

甲子日雨

新火

次韻和人詠醑醪

閑居五詠

杜門
買宅

坐忘
移竹

讀書

城中牡丹推高皇廟園遲迨聯騎往觀歸報
未開戲作

外孫文驥與可學士之孫也予親教之學作

詩俊發猶有家風喜其不墜作詩贈之

春深三首

次遲韻示陳天倪秀才姪孫元老主簿

再次前韻示元老

築室示三子

開窓

遜往泉城穫麥

送元老西歸

蜀人舊食决明花耳穎川夏秋少菜崇寧老
僧教人并食其葉有鄉人西歸使為父老

言之戲作

諸子將築室以畫圖相示三首

題韓駒秀才詩卷一絕

秋社分題

釀重陽酒

中秋無月同諸子二首

予昔在京師畫工韓若拙為予寫真今十三

年矣容貌日衰展卷茫然葉縣楊生畫不

減韓復令作之以記其變偶作

九日獨酌三首

泉城田舍

第五卷

雜文十二首

和子瞻沉香山子賦

和子瞻歸去來詞

穎川擇勝亭詩

和子瞻次韻陶淵明停雲詩

和子瞻次韻陶淵明勸農詩

沐老圖贊

香城順長老真贊

自寫直贊

六祖卓錫泉銘

代李樵卧帳頌

夢齋頌

抱一頌

第六卷

孟子解二十四章

第七卷

歷代論

堯舜

樂城行錄 卷之三

周公

五伯

管仲

知瑩趙武

漢高帝

漢文帝

漢景帝

第八卷

歷代論二首

漢武帝

漢昭帝

漢哀帝

漢光武上

漢光武下

隗囂

鄧禹

李固

陳蕃

第九卷

歷代論三

荀彧

賈詡上

賈詡下

劉玄德

孫仲謀

晉宣帝

晉武帝

羊祜

王衍

第十卷

歷代論四

王尊

祖述

符堅

宋武帝

宋文帝

梁武帝

唐高祖

唐太宗

狄仁傑

第十一卷

歷代論五首

唐玄宗憲宗

姚崇

宇文融

陸贄

牛李

郭崇韜

馮道

兵民

燕薊

第十二卷

顏濱遺老傳上

第十三卷

顏濱遺老傳下

第十四卷

大行太皇太后謚冊文一首

進冊文
劄子附

改園陵為山陵手詔一首

擬答西夏詔書一首

擬殿試策題二首

第十五卷

擬台祭天地手詔一首

論合祭天地劄子一首

會計錄叙三首

第十六卷

兄除翰林承旨乞外任劄子四首

舉王鞏乞外任劄子五首

乞賜張宣徽謚劄子一首

立皇后制書劄子一首

論黃河軟堰劄子一首 申三省狀册

論御試策題劄子二首

待罪劄子一首

第十七卷

生日謝表笏記四首

辭門下侍郎劄子一首

免太中大夫門下侍郎表二首

謝太中大夫門下侍郎表二首

進郊祀慶成詩狀一首

免南郊加恩表二首

謝南郊加恩表二首

第十八卷

表疏一十九首

汝州謝上表

分司南京到筠州謝表

明堂賀表

雷州謝表

移岳州謝狀

復官宮觀謝表

南郊賀表

降朝請大夫謝表

謝復墳寺表

謝復官表二首

皇太后上僊慰表

欽聖憲肅皇后祔廟慰表

欽慈皇后祔廟慰表

太行太皇太后上僊功德疏

皇太后上僊功德疏

哲宗皇帝大祥功德疏

天寧聖節功德疏

東塋老翁井齊僧疏

第十九卷

青詞十一首

京師一首

高安四首

龍川二首

閣阜一首

許昌三首

祝文二首

嵩山

汝州謝雨

第二十卷

祭文一十八首

祭張宮保文

祭文與可學士文

祭七塔文逸民文

再祭張宮保文

祭亡嫂王氏文

祭八新婦黃氏文

北歸祭東堂文

祭亡兄端明文

再祭亡嫂王氏文

再祭亡兄端明文

再祭八新婦黃氏文

祭范子中朝散文

祭子子敏奉議文

遣迺歸祭東塋文

祭黃師是龍圖文

祭范彝叟右丞文

祭竇月大師宗兄文

祭道遙聰長老文

第二十一卷

雜文一十三首

汝州龍興寺修吳畫殿記

汝州楊文公詩石記

李簡夫少卿詩集引

王子立秀才文集引

子瞻和陶淵明詩集引

六孫名字說

書孫朴學士手寫華嚴經後

書楞嚴經後

書金剛經後二首

書白樂天集後二首

書鮮于子駿父母贈告後

第二十二卷

墓誌銘一首

亡兄子瞻端明墓誌銘

第二十三卷

神道碑一

歐陽文忠公神道碑 答公子叔

第二十四卷

雜文五首

巢谷傳

亡姊王夫人墓誌銘

龍井辯才法師塔碑

道遙聰禪師塔碑

天竺海月法師塔碑

樂城後集目錄卷終

樂城後集引

予少以文字為樂涵泳其間至以忘老元祐六年年
五十有三始以空踈備位政府自是無述作之暇顧
前後所作至多不忍棄去乃裒而集之得五十卷題
曰樂城集九年得罪出守臨汝自汝徙筠自筠徙雷
自雷徙循凡七年元符三年蒙

恩北歸寓居潁川至崇寧五年前後十五年憂患侵
尋所作寡矣然亦班班可見復類而編之以為後集
凡二十四卷

樂城後集卷第一

詩七十首

次韻子瞻感舊一首

還朝正三伏，一冉趨未央。又從江海游，苦此劔佩長。
 夢中驚和璞，起坐憐老房。子瞻夢中見人誦詩云度
 數形各本偶然破琴今有
十三弦此生若遇耶和璞始信秦箏
 是響泉因作破琴詩以記之
 身顧弁涼，子瞻每欲為國守
 顧不取請且此心一自許，何暇憂陟。
 岡早歲發歸念，老來未嘗忘。淵明不仕黔婁，足為
 康家有二頃田，歲耕十口糧。教教諸子弟，編排舊文
 章。辛勤養松竹，遲莫多風霜。常恐先著鞭，獨引社酒
 嘗。火急報君恩，會合心則降。

宋王次韻題畫卷四首

山陰陳迹

卧對郝人氣已真，晚依丘壑更無倫。不須復預清言

侶，自是江東第一人。逸少知清言，某害然蘭亭記亦不免之清言耳

雪溪乘興

丞往遄歸真，曠哉聾人。不信有驚雷，雖云不必見。安

道已誤扁舟犯雪來

四明狂安

失脚來遊九陌塵，故溪何日定抽身。便同賀老扁舟去，已笑西山鄭子真。

西塞風雨

兩細風斜欲暝時
凌波一葉去安歸
遙知夜宿蛟人室
浪卷波分不著_堪衣

送姪邁赴河間令一首

老去那堪用恩深
未敢歸誰能告
民病一一指吾非
爾赴河間治無嫌
野老譏仍將尺書
報勿復問從違

次韻門下呂相公車駕_跡學一首

未識吾君龍鳳章
諸儒望幸又南庠
輦回原廟初移
蹕鷺集西廡已著
行執爵稍前疑問
道獻琛不日數
來王從官始悟熙
寧意遺我親臨見
肯堂

傳銀青挽詞二首

名自烏臺發恩從鳳沼深
鹽梅和衆口金玉比誠心
澹泊平生事彌留一病侵
遺言自無憾朝野為沾襟

又

丹旄國西門茅廬濟水源
官清貧似舊名重沒猶存
臺閣傳遺懿交遊拭淚痕
君恩不改故延賞遍諸孫

大雪三絕句

閏歲窮冬已是春
常寒卻暖未宜人
陰風半夜催飛
霰稍淨天街一尺塵

元冥留雪付勾芒
桃李雖憂麥未傷
膏澤較遲三十

日問天此意亦茫茫
連歲金明不見水上春風雪氣稜稜臺中曾奏五行
傳到此施行愧未曾

和王晉卿都尉茶蘼二絕句

春到都城曾未知
揪花時見萬年枝
多情賴有王公子
解翦金槃寄所思
春來未曾見花但於禁中時見揪花耳
後圃茶蘼手自栽
清於芍藥醜於梅
舊來詩客今無幾
三嗅馨香懶舉杯

次韻門下呂相公同訪致政馮宣猷一首

懶從朝謁事驂駢
此去高眠罷倒衣
詔許敲門訪者

馮天教築室俟來歸
口公熙載田字張氏項即修范公得之以成掃計類非偶然者
肩輿尚肯追春色
洛公水春將往
鼓缶何妨傲夕暉
所至成家即安穩
武昌誰乞釣魚磯

滕達道龍圖挽詞二首

才滴邦家用學非
章句儒遭逢初莫測
流落一長吁
大節輕多難深言究遠圖
收功太原守談笑視羗胡

又

南竄逢公弄水亭
公時守池北歸
番我闔閭城壯年不見
日千里餘論網驚敵
出簡冊何人知造滕邊防
處竦先聲傷心繫舸城東地
目斷安知有死生

魯元翰中大逸詞二首

遺直誦家聲持心本至誠何勞求瞰察所至自安平
氣象餘前輩才華屬後生飛騰看諸子相斷亦公卿

又

十年初見范公園知與錢瑋結弟昆樂易向人無不
可踈慵憐我正忘言南遷卻返逢北渡遠聘相過適
近藩無復放懷譁笑語挽詩空寄淚潺湲于滎兄治與元翰皆

碎杭州及自該城不止都門寓居景仁東園元翰時來相過予始識之其後南元翰出守洛州友奉使契丹元翰寫字滑臺皆接從容者久之

贈司空張公安道挽詞三首

道廣中無競才高治不煩安心本篤靜憂世亦時言
壽考同儕盡經綸故事存猶應門下客微論記根原

又

孤高出世學豪邁謫仙人早歲猶和俗中年自識真
定餘時發照塵盡四無隣聞道騎箕尾還應事玉宸

又

西蜀識公初南都從事餘一言知我可久好復誰知
學術番元歎家聲付伯魚霜天近生日聞挽重郗歎

蔡州任氏閱世堂一首

朱君長桐鄉死食桐鄉社吏民安君德君亦愛其下

遺言於斯葬老沒勿相捨自知得民深千歲誰似者
任君治新息寬惠洽鰥寡疆梁順教詔桴鼓不鳴野
三年去復還園木栽拱把居人敬閭巷禽鳥依屋瓦
蒼然百尺檜直幹在大厦相要勿翦伐令尹昔所舍

次韻子瞻和淵明飲酒二十自

我性本踈懶父母強教之逡巡就科選逮北年少時
幽憂二十年懶性秣如茲偶然踐黃闥俯仰空自疑
乞身未敢言常愧外物持

人言性本靜不必林與山世雖有此理知誰非妄言
自我作歸計于今十餘年低回軒冕中此語愧虛傳

又

世人豈知我兄弟得我情少年喜文章中年慕功名
自從落江湖一意事養生富貴非所求寵辱本免驚
平生不解飲欲醉何由成

秋鴻一何樂空際乘風飛秋蟻一何憂壁間終夜悲
憂樂本何有力盡兩無依物生逐所遇久行不知歸
少年氣難回老者百事衰聊復沃以酒求與狂心違

又

昔在建成市鹽酒晝夜喧夏潦恐天漏冬雷知地偏
妻孥日告我胡不反故山一來朝廷上七年不知還

有寓均建成且忘昔日言

夢中見百怪一一皆謂是醉中身已忘萬事隨亦毀
此心不應然外物妄使爾安心十年後此語知非綺

又

開卷觀古人誰非一世英骨肉委黃墟泯滅俱無情
憧憧來無盡擾擾相奉傾驚雷震朱夏鮮能入秋鳴
得酒且酣飲問誰逃死生

明月出東墻萬物含餘姿孤蟾庇繁蔭衆鳥棲高枝
解衣適少事捫腹知亡竒朝與羣動作莫復何所爲
此時不自有日出還受羈

尺書千里至輟食手自開將卜東南居故鄉非所懷
勿言湖山羨永與平生垂鴻鴈秋南來及春思故棲
蛟龍乘風雲旣雨反其泥兄弟通四海叩門事雖諧
直道竟三黜去國終恐迷何如自衛反闕里從參回

又

羗虜忘君恩戰鼓驚四隅邊候失晨夜驛騎馳中塗
詔書北窮征諸將守來驅敵微勢可料師競力無餘
防遠未云失憂懷愧安居

修己以安人嗟古有此道平生妄謂得忽忽恨衰老
年來亦見用何益世枯槁逡巡事朝謁出入自媚好

報君要得人彼褐有懷寶斯人何時見郎上歸耕表

又

春旱麥半死夏雨欣及時出郊畝禾田父老有好辭
秋陰結愁霧似欲直敗茲冥冥人天際影響良不疑
精誠發中禁愍默非有欺雞號日東出乃令民信之

又

天厨釀冰池搖蕩畏出境年衰雜羸病一瞬百不醒
鸞臺異諸曹有政非簿領頽然雖無謫固謝出囊頽
回首愧周行羣英粲彪炳

淮海老使君受詔行當至當官不避事無事輒征醉

平生自相許兄弟亦次東南豈徒徃多難嫌暴貴
白首六卿中嚼蠟那復味

去年旅都城三月不求宅彼哉安知我爭掃習禮迹
三已竟無怨心伏鷲鳥百無私心如丹經患髮先白
功名已不求餘事復何惜

家居簡餘事猶讀內景經浮塵掃欲盡火棗行當成
清晨委羣動永夜依寒更低帷悶重屋微月流中庭
依松白露上歷坎幽泉鳴功從猛士得不取兒女情

又

南方有貧士狂怪如病風垢面髮如葆自汗屠酒中

導我引河水上與崑崙通長箭挽不盡不中無尤另

又

清秋九日近菊酒皆可求得永愧陶翁飢雖飢心不惑
懷忠受正命賦命本通塞斯人今苟在可與同事國
借哉委荆榛忍飢長默默

我友二三子兼有仕未仕青松出林秀豈獨私與已
歛然不求人而我自壘耻臨風忽長鳴誰信日千里
江行眎漁父但自正綱紀持綱起萬目魴鱗皆可止
老成日就衰所餘殆難恃

諸妄不可賴所願惟一真內欲求性命油然反清淳

外將應物化致一常日新商於四父老携手初逃秦
翻然感漢德投足復踐塵出處蓋有道豈爲諸呂勤
嗟我十歲後澹然與之親還將山林安俛首要路津
囊中舊時物布衣白綸巾功成不歸去愧此同心人

次韻子瞻道中見寄一首

凡詩有味劇雋永和者僅同如畫影短篇泉冽不容
挹長韻風吹忽千頃經年淮海定成集走書道路未
遑請相思半夜發清唱醉墨平明照東省詩到通南
在省中
來應帶蜀岡泉西信近得蒙山茗出效一飯歡有餘
去歲此時初到穎

郊祀慶成一首

盛禮彌三祀初元正七年祭燕天地報儀自祖宗傳

講義金華父近有旨請讀官訓釋祖宗齋齋心玉食祠故事十五條

鮮秋成通四海稟實到窮邊今秋諸帝皆奏豐稔而陳西河東寇逐尤甚

塵卷跳疆寇西卷入寇環州去琛來浸海船高麗使前

大禮預規人和神亦答物備禮誠全廟室開深觀郊丘對

廣園翠帷新秘殿寶仗溢通廡周冕裘繒儉周禮大

以祀天有司欲為黑裘度用百羔上以其害以黑繒代之唐車保介便正現欸

志進退安重矣尊前多舊德迎拜或華顛薦潔求陰

燧馳誠寄燎煙垂精粲星斗望秩遍山川降輅追前

躡回班戒弗凌徹網深屈體昇蓋切承天門至大廟降輅步

入齊殿至郊壇止百官回班仍去其道嶰谷灰初

三事皆循祖宗故事而去繼特出上意應史室吹及久廢不講近太扶桑日欲躔旌旗逐風

轉歌舞送天旋簾啓瞻宸極雞號識漏泉矜愚開罪

咎釋欠靖民編樂作波翻海書行箭脫弦東朝歸福

昨南極本高仙有道知難犯無私每得賢劬勞就聖

德謙畏絕私權洽道初無象神功竟莫宣下臣叨進

王隨見頌誠然臣於景靈弊

次韻姚道人二首

西山學採薇東坡學煮羹昔在建成市豈復衣冠情

朋友日已疎止接育趙生嗇智徇所安元氣賴以存
時於生寂中稍護亂與昏河流發九地欲挽升天門
枉用十年力僅餘一燈温老病竟未除驚呼欲狂奔
何日新雨餘得就季王綸
高人隱陋巷至樂初無方心知無生妙運轉開陰陽
才如凌雲松豈受尺寸量氣如幽谷蘭時送清風香
嗟我病肺寒景隨翕張卅砂苦落落青春去堂堂
清詩墮雲霧至音叩琳琅山海信多士世俗非所望
遠遊居臨安間出從請王他年解冠佩共遊無邊疆
儀麟旣委照求謝過隙光

次韻子瞻上元扈從觀燈二首

虜去邊城少奏章雪殘中禁罷焚香都人知有新年
喜爭看瑞輿金鳳凰

春來有意乞歸耕足痺三年久未平

項奉使契丹墜馬傷足已三年

矣忽記上元鑿輅出起聽前殿曉鍾聲

蔡州壺公觀劉道士一首

元祐八年七月彭城曹煥子交至自安陸爲予言

過淮西入壺公觀觀縣壺之木木老死久矣環生

孫葉無數聞有老道士劉道淵年八十七非凡人

也謁之神氣甚清能言語服細布單衣縫補殆遍

壁開題者多以不易衣爲美煥問其意道淵悵然
曰此故淮西守歐陽永叔所贈也世人稱永叔工
文詞善辯論忠信篤學而已君知是人竟何從來
耶公與我有夙契且齊年也普將去吾州留此以
別吾服之三十年嘗破而補之矣未嘗垢而澣也
比嘗得其訊吾亦去此不及矣煥聞之愕然莫測
徐問其故皆不答予少與兄子瞻皆從公遊究觀
平生固嘗疑公神仙天人非世俗之士也公亦嘗
自言昔與謝希深尹師魯梅聖俞數人同遊嵩高
見辭書四夫字於蒼崖絕澗之上曰神清洞之間

同遊者惟師魯見之以此亦頗自疑本世外人今
聞道淵言與曩意合因作詩以示公子斐叔弼
思穎求歸今幾時布衣猶在老劉師龍章舊有世人
識蟬蛻惟應野老知昔葬衣冠今在否近傳昔問不
須疑曾聞圯上逢黃石久矣晉侯不見欺

大行太皇太后挽詞二首

內治隆三世尊臨極九年神孫克負荷大業付安全
有道華夷靖無心怨惡俊和熹盛東漢從此不賢稱

又

約已心全小寬民德有餘外家思澤少先后禮容虛

有司每以章獻太后故事為讀德原廟因前室有司
音輒深自非薄不敢當而止
神宗皇帝神御有詔自中朝避冊書項歲將受冊
處治隆以成就宣光當每前殿謙避
不欲遂退即功名不勝紀四謚歎猶踈呈上數日大
後殿而已皇太后盛德豈
四謚所能及

次韻姚道人十首

道人偶許俗人知法喜非妻解養兒夜久金莖添沆
漈室虛寶月映琉璃遠來醉俠忽七返近出詩仙句
句奇獨怪區區踐繩墨相逢未省角巾歌

次韻石芝一首并引

子瞻昔在黃州夢遊人家井閒石上坐紫藤校葉如

赤箭主人言此石芝也折而食之味如雞蘇而茸起
賦八韻記之元祐八年予與子瞻皆在京師客有至
自登州者言海上諸島石向日者多生耳海人謂之
石芝食之味如茶久而益甘海上幽人或取服之言
甚益人客以一籃遺子瞻遂次前韻

雞鳴東海朝日新光家洲島霧雨勺一晞石上遍生
耳幽子自食無來賓寄書乞取久未許箬籠蕉囊海
神戶戶止也左傳一掬誰令墮我前無為知我超諸
數此身不願清廟胡但願歸去隨樵蘇龜龍百歲豈
知道養氣千息存其胡塵中學仙定雖脫夢裏食芝

空酷烈中山軍府得安閑更試朝霞磨鏡鐵

故樞密簽書贈正議大夫王彥霖挽詞二首

試吏有能名升臺擅自聲雄飛極九載修路止三城
壯忘方凌厲遺書忽歎驚老人殊可念白首泣新塋

又

傾蓋晚相親東西省戶鄰聽君占諫草繼我出詞綸
京尹聲初泐樞庭迹尚新邯鄲炊未熟榮謝隔後巡

讀史六首

晉侯決成敗面折愧周昌垂老召商叟鴻鵠自高翔

又

又

諸呂更相王陳平氣何索千金壽絳侯劉宗知有託

又

賈生料吳楚竟斃大梁城一身不自保庸哭空傷生

又

桓文服荆楚安取破國都孔明不料敵一世空馳驅

又

安石善談笑揮塵卻待秦妄起弁吞意終殘吳越人

又

江河浪如屋要涸滄海容可憐狄仁傑猶復負婁公

和子瞻雪浪齋一首

謫居杜老嘗東屯波濤遠屋知龍尊門前石岸立精
鐵潮汐洗盡莓苔昏野人相望夾水住扁舟特過江
西村窓中縞練舒眼界枕上雷霆驚耳門不堪水怪
妄欺客欲備楚些時招蒐人生出處固難料流萍著
水初無根旌旗旋逐金鼓發蓑笠尚帶風雨痕高齋
雪浪卷蒼石比叟未見疑戲論激泉飛水行亦凍窮
邊臘雪如翻盆一杯徑醉萬事足江城氣味猶應存

次韻子瞻生日見寄一首

日月中人照與芬心虛慮盡氣則薰彤霞點空來羣

羣精誠上徹天無雲寸田幽闕煥不焚眇眇中外絳
錦紋冥然物我無復分不出入常氤氳道師東西
指示君乘此飛仙勿番墳茅山隱居有遺文世人心
動墮虫蚊不信成功如所云蚤夜賓餞同華助爾來
僅能破魔軍我經生日當益勤公稟正氣飲不醺梨
棗木實要鉏耘日云莫矣收桑粉西還閉門止紛紛
憂愁直能散淒煮萬事過耳今不聞

登真隱訣云日
中青帝日照龍

口芬嚙嬰

蹇師嵩山圖一首并引

葆光法師蹇君未嘗至嵩山欲往遊焉元祐九年春

磐桓都下得古畫一幅以示其客客曰此嵩山圖也
予昔嘗遊焉峯嶺徑遂觀刹皆是君喜曰此將以導
予也吾昔熙寧中自陳之洛往來皆出嵩少之間時
方重九與偕行者約曰子與於此登高乎今筋力尚
強可以一往異日復至或不能矣今年三月以罪出
守汝州聞此州在嵩少之陽登城北望可以盡得其
勝君何時為此遊吾將舉酒與子相望雖不能同亦
庶幾焉系之以詩曰

峻極登高二十年汝州回望一依然君行亦是高秋
後試覓神清古洞天神清洞事見山

望嵩樓一首在汝州

連山郭吾北二室分西東東山幾何高不為太室容
西山為我低少室見諸峯臨軒一長歎隱見由所逢
試問山中人二室竟誰雄雄雌久已定分別徐亦空
可憐汝陽酒味與上國同遊心四山外寄適杯酒中

思賢堂一首

楊公守臨汝俛仰八十載推遷城帝非散落篇章在
外物固難必清名竟安賴孤亭右洲渚斜日到冠佩
飛翔棟宇回滉蕩波流對稍存楸梧高大翦菰蒲穢
遺編訪諸子翠石補前廢吏民亦潛然未替甘棠愛

阻風一首

自汝迂筠歲月過真州江漲倍常歲而風不順

大水茂洲浦牽挽無復施我舟恃長風風止將安爲
揭然委積水坐被弱纜維市井隔峯嶺食盡行將飢
長嘯呼風伯厄窮豈不知蓬蓬起東南旗尾西北馳
所望乃大謬開門訊舟師舟師掉頭笑沿泝要有時
泝者不少息沿者長嗟咨飄風不終日急雨常相隨
兩止風亦止條條弄清漪我言未見信君行自見之

次韻子瞻遊羅浮山一首

安迷墮澗逢王京雲行夭喬風號鳴暗中過盡石髓
滑驚喜觀闕朝霞明東坡南去類此客擠者力盡非

求生偶然瀕海少氛氣復有福地容躬耕諸侯歷聘
謝曾叟茅簷燕坐師老彭天樞旋結日珠重人震下
視鴻毛輕俗緣漸覺冰雪解元氣乍復蛟虬儻遠遊
脫屣入蓋竹初怪長史晉家庭後來玉斧小兒子亦
入真誥參仙經試令子弟學諸許還家不用劔閣銘
洞天聞亦有圖籍但恐未免如公卿此心願與世無
事不願與世平不乎

次韻子瞻江西一首


許君馬老共一邦西山斷處流蜀江誰今十載重渡
瀧難頭舊寺晨鐘撞亂流赤脚記淙淙道俗自謂丹

樂城後集 卷一
霞龐便令築室修畦疇往還二老筇一雙
予長老有
十年之舊

雨中遊小雪居一首

賣酒高安市早歲逢五秋常懷簡書畏未暇雲居遊
十載還上邨再謫仍此州廢斥免羈束登臨散幽憂
鄉黨二二子結束同一舟兩餘江漲高林薄煩撐鉤
積陰荐雷作兩山亂雲浮雨點落飛鏃江光濺輕漚
笑語曾未畢風雲遽謔收舟人指松檜古刹依林丘
老僧昔還住晚飯迎淹留食菜吾自飽饋肉煩賢侯
嚴城迫吹角歸棹隨輕鷗聯翩閱村塢燈火明譙樓


肩輿踐積糞塗潦分潛溝居處方自適未知厭拘囚



樂城後集卷第一

卷一

一



樂城後集卷第二

詩七十首

次韻子瞻上元見寄一首

誰憐東坡老獨看南海燈故人隱山麓燕坐銷牀稜
人生天運中往返成廢興炎起燬下薪凍合瓶中水
賴有不變處寂如方定僧建城亦巖邑燈火高下層
頭陀舊所識天寒髮鬢髻問我何時來嗟哉谷爲陵
幸此米方賤日食聊一升夜出隨衆樂舖糟共騰騰

次韻子瞻連雨江漲二首

南過庾嶺更千山烝潤由來共一天雲塞虛空雨翻

瓮江侵城市屋浮船東郊晚稻須重插西舍原蠶未
及眠獨掉扁舟趁申卯米鹽奔走笑當年
客到炎陬喜斃涼江吹虛閣雨侵廊回看野寺山溪
隔卧覺晨炊稻飯香荔餉深紅陋櫻棗桂醅淳白比
琳琅恩移嶠北應非晚未省南遷日月長

次韻姪過江漲一首

陰淫夏爲秋雨暴溪作瀆缺防舊通市流潦幾入屋
雖幸廩粟空猶惜畦蔬綠鹿駭不擇音鴻羈分遵陸
室誚曾子還城謳華元劍中情又岑寂外物兢排蹙
設心等一慈開懷受諸毒道力雖未究游波偶然伏

糧須三月聚艾要七年蓄君恩許北還從此當退縮

亡嫂靖安君蒲氏挽詞二首

家風足圖史婦德儼蘋蘩湯沐從夫寵冠衣席弟恩
克家傳衆子有後慶多孫追養心何極增封禮尚存
又

宦遊非不遂流落自麕踈宗黨半天末存亡驚素書
佳城東嶺外茂木故阡餘遙想千軍送臨江涕滿裾

寄題武陵柳氏所居二首

天真堂

官遊閱盡山川勝歸老方知氣味真歌哭不移身自

穩往還無間語尤親求懷前輩無因見猶喜諸郎有
此人千歲展禽風未改不加瑠瑠世稱珍

康樂樓

邑居欲盡溪山好不作層樓無奈何巖谷滿前收蠟
屐漪連極目卷漁叢安心已得安身法樂土偏令樂
事多千里筠陽猶靜治還家一笑定無它

筠州州宅雙蓮一首

綠蓋紅房共一池一雙遊女巧追隨鏡中比並新粧
後風際攜扶欲舞時露藥暗開香自倍霜蓬漸老折
猶疑殷勤畫手傳真態道院生綃數幅垂

奉同子瞻荔支數一首

蜀中荔支止嘉州餘波及眉半有不稻糠宿火却霜
霰結子僅與黃金伴近聞閩尹傳種法移種成都出
巴峽名園競擷絳紗苞蜜漬瓊膚甘且滑比遊京路
墮紅塵箬籠白曬稱最珍思歸不復爲蓴菜欲及炎
風朝露勺平居著鞭苦不早東坡南窟嶺南道海邊
百物非平生獨數山前荔支好荔支色味巧畱人不
管年來白髮新得歸便擬尋鄉路棗栗園林不須頤
青枝丹實須十株丁寧附書老農圃

次韻子瞻梳頭一首

水上有車車自翻懸雷如線垂前軒霜蓬已枯不再
 綠有客勤我抽其根枯根一去紫茸茁珎重已試幽
 人言紛紛華髮何足道當返六十過去竟道土概道土拔白
 後以水火養之當不復生故以為答

勸子瞻修無生法一首

除却靈明一一空年來丹竈漫施功掌中定有菴摩
 在雲際懸知霧雨濛已賴信心雷掣電要須淨戒拂
 昏銅誰言逐客江南岸身世雖窮心不窮

石盆種菖蒲甚茂忽開八九華或言此華壽祥
 也遠因生日作頌亦為賦此一首

石盆攢石養菖蒲沮如沙泉薤華鋪世說華開難值
 遇天將壽考報勤劬心中本有長生藥根底暗添無
 限鬢更爾屈蟠增瘦硬它年老病要相扶

子瞻和陶公讀山海經詩欲同作而未成夢中
 得數句覺而補之一首

此心淡無著與物常欣然虛閑偶有見白雲在空間
 愛之欲吐玩恐為時俗傳遂巡自失去雲散空長天
 永愧陶彭澤佳句如珠圓

世猶成都僧法舟為其祖師寶月求塔銘於惠州還
 少年過高安送歸一首

少年能講大乘經法施堂中不出爲許先師傳後
世徑從西海集南溟忘身直犯黃茅瘴滿意初成白
塔銘寄我淚痕歸萬里遙知露滴澗松青

東西京二絕

親祀非泉歲一終屬車徐動不驚風宓妃何預詞臣
事指點譏詞豹尾中

犀著金槃不暇嘗更須石上搗黃梁數錢未免河東
舊不識前朝大練光

唐相二絕

楊王滅後少英雄猶自澄思却月中已得惠妃歡喜

見方頭笑殺曲江公

朝中寂寂少名鄉晚歲雄猜氣益橫心怕無鬚少年
士可憐未識王奴兄

寓居六詠

手植天隨菊晨添首偕盤叢長憐夏苦花晚怯秋寒
素食舊所愧長齋今未闌殷勤拾落葉眼暗讀書難

又

山丹炫南土盈尺愧西京所至曾無比知非浪得名
未須求別種尚欠剝繫英行復春風度天涯眼豔明

隣家三畝竹蕭散倚東墻誰謂非吾有特能惠我涼
雪深聞毀拆風作任披猖事過還依舊相看意愈長

又

蒟醬生掩冉挿竹強支义旋疊封根石能開著子花
扶持物遂性綴緝我成家故國田園少何須恨海涯

又

大雞如人立小雞三寸長造物均付子危冠兩昂藏
出欄風易倒依草枯不彊後庭花草盛憐汝討興亡

或言矮雞冠即
王樹後庭花

又

西隣分半井十口無渴憂歲旱百泉竭日供八家求
艱難念生理沾足愧寒流比聞山田婦出汲爭群牛

山中澗谷枯竭汲者每苦牛奪其
水一人出汲輒數人持杖護之

和子瞻新居欲成二首

老罷子卿還屬國功成定遠恨陽關漂流豈必風波
際顛沛何妨枕席間伏臘便應隨俚俗室廬聞似勝
家山囚綠宿世非今日賴有陰功許旋還

此說見
佛書

山連上帝珠明府心是南宗無畫燈過去歌危空比
夢年來瘴毒冷如水圖書一笑寧勞容音信頻來尚
有僧梨棗功夫三歲辦不緣憂患亦何曾

次遲韻二首

老謫江南岸萬里修烝嘗三子留二子嵩少道路長
累以二孀女辛勤具餼糧誰合南飛鴻送汝至我旁
飢寒不能病氣紓色亦康柎皆問家事嗟我又已忘
力耕當及耨無為久南方還家語諸女素剛非王章

又

世事非吾憂物理有必至常暘百川竭顧亦防雨耳
陰陽相糾纏友覆更自治幽懷澹不起默坐識其意
長子念衰老遠行重慙愧踈慵身似僧岑寂家近寺
但聞事日新未覺吾有異器鏗本自出藩角徒不遂

得失衆共知窮達佛所記要令北歸日粗究一大事

次遠韻一首

萬里謫南荒三子從一幼謬追春秋餘賴爾牛馬走
憂病多所忘問學非復舊借書里諸生疑事誰當叩
吾兒雖懶教擢穎旣冠後求友中卷人玩心竹間岫
時令檢遺闕相對忘昏晝兄來試謳吟句法漸翹秀
暫時鴻鴈飛迭發填箎奏更念死丘子頽然何時覩

次韻子瞻和陶公止酒一首

雷州作

少年無大過臨老重復止自言衰病根恐在酒盃裏
今年各南遷百事付諸子誰言瘴霧中乃有相逢喜

連床問動息一夜再三起
泝流俛仰得此病竟何理
平生不尤人未免亦求已
非酒猶正之其餘真止矣
飄然從孔公乘桴南海涖
路逢安期生一笑千萬祀

次韻子瞻過海一首

我遷海康郡猶在寢海中
送君渡海南風帆若張弓
笑揖彼岸人回首平生空
平生定何有此去未可窮
惜無好勇夫從此乘桴翁
幽子疑龍鰕乎須竟誰雄
閉門亦勿見一艤回香風
晨朝飽粥飯洗鉢隨僧鐘
有問何時歸茲焉若將終
居家出家人豈復懷兒童
老聃真吾師出入初猶龍
籠樊頽甚密俛首姑爾容

衆人指我笑韃鎖無此工
一瞬千佛上相期兜率宮

過姪寄柳冠一首

衰髮秋來半是絲
幅巾緇撮強爲儀
垂空旋取海棕子蜀中海棕即嶺南柳木但不結子耳
束髮裝成老法師
變化密移人不悟
壤成相續我心知
茅簷竹居南溟上亦似當年

廊廟時

寓居二首

東亭

十口南遷粒有歸
一軒臨路閱奔馳
市人不慣頻回首
坐客相請便解頰
慙愧天涯善知識
增添城外小

茅茨華巖未讀河沙偈，偃仰明窓手自披。

東樓

明從海上湧金盆，直入東樓照病身。久已無心問南北，時能閉目待儀麟。颶風不作三農喜，是歲海無颶風舶客初來百物新。歸去有時無定在，漫隨俚俗共欣欣。

所寓堂後月季再生與遂同賦一首

客背有芳藜，開花不遺月。何人縱尋斧，害意肯番折。偶乘秋雨滋，冒土見微茁。猗猗抽條穎，頗欲傲寒冽。勢窮雖云病，根大未容拔。我行天涯遠，幸此城南芡。小堂劣容卧，幽閣粗可躡。中無一尋空，外有四隣匝。

窺墻數柚實，隔屋看柳葉。葱蒨獨茲苗，慙慙侍其活。及春見開敷，三嗅何忍折。

浴罷一首

逐客例幽憂，多年不洗沐。予髮櫛無垢，身垢要須浴。顛濟本天運，償恨當誰復。茅簷容病軀，稻飯飽枵腹。形骸但癩瘁，氣血尚豐足。微湯悶九地，浮彩見雙目。枯槁如束薪，堅緻比溫玉。長齋雖云淨，閱月聊一沃。石泉澣巾脫，土釜煑桃竹。南窓日未移，困卧久彌熟。華嚴有餘秩，默坐心自讀。諸塵勿消盡，法界了無矚。恍如仰山翁，欲就瀉叟卜。猶恐墮聲聞，大願勤自督。

次遠韻齒痛一首

元明散諸根外與六塵合流中積綠氣虛妄無可託
弊陋少空明婦姑相攘奪日出曠焦牙風未動危瘳
喜汝因病悟或免終身著更須誦楞嚴從此脫纏縛
子瞻問瘦以詩見寄次韻一首

多生習氣未除肉長夜安眠懶食粥屈伸久已效熊
虎倒掛漸擬同蝙蝠衆笑恐飢長杜門自恐莫年還
入俗經旬輒瘦駭隣父未信腦滿添黃玉海夷旋覺
似齊魯山蔽仍堪嘗菽粟孤船會復見洲渚小車未
用安羊鹿海南老兄行尤若樵爨長須同二僕此身

所至即所安莫問歸期兩黃鵠

次韻子瞻獨覺一首

咄咄書空中有恠內熱搜膏發癰疥羨藜飯芋如固
然飽食安眠真一快午雞鳴屋呼不起欠伸吉貝重
衾裏此身南北付天工竹杖芸鞋即行李夜長却對
一燈明上池溢流微有聲幻中非幻人不見本來日
月無陰晴

次韻子瞻夜坐一首

月入虛牕疑欲旦香凝幽室久猶薰清風巧爲吹餘
瘴踈雨時來報斷雲南海炎涼身已慣北方毀譽耳

誰聞遙知掛壁瓢無酒歸舶還將一酌分

次韻子瞻寄賀生日一首

弟兄本三人懷抱喪其一頽然仲與叔耆老天所隲
師心每徇往可否輒自必折足非所恨所恨覆鼎實
上賴吾君仁議止海濱黜凄酸念母氏此恨何時畢
平生賢孟博苟生不謂言歸心天若許定卜老泉室
淒涼百年後事付何人筆于今兄獨知言之泣生日

次韻子瞻寄黃子木杖一首

老至亦有漸五十惟杖始行年日辰匪幸免御閭耻
罪重瘡難平餘痂未脫痲登山足猶健不用扶兒子

我兄念辛勤贈此儻且倚它年賜環日田舍尤須此
早收藤節杯旋綴烏皮几茅簷數間足不用伐桐杞

次韻子瞻謫居三適

旦起理髮

道人雞鳴起趺坐存九宮靈液流下田茯苓抱長松
顛毛得餘潤冉冉欺霜風俯就無數櫛九九爲一通
洗沐廢已久徐之勿忽忽氣來自湧泉至此知幾重
近聞西邊將袒裼擁馬鬣歸來建赤油不復儕伍同
笑我守尋尺求與真源逢人生各有安未肯易三公

安中讀午窓坐睡

定中龍眠膝定起柳生肘心無出入異三昧亦何有
晴窓午陰轉坐睡一何久頽然擁褐身剝啄叩門手
褰帷顧我笑疑我困宿酒不知吾喪我冰消不遺壽
空虛無一物彼物自枯朽壽中得靈藥此藥從誰受
侵尋入四支欲洗自無垢從今百不欠只欠歸田叟
夜卧濯足

海民慢寒備不畜衾與裯雖苦地氣洩亦無徒晷憂
逐客久未安集舍占鳩鷓念肯使胡中車馳卒不雷
貂裘朔北風十襲猶颼颼中塗履水河馬倒身自投
宛足費馮翼千里煩勝鞦十年事湯劑風雨氣輒浮

南來足憂慮此病何時瘳名身孰親疎慎勿求封侯

同子瞻次過遠重子韻一首

孟子自誇心不動未試永嘉鐵輪重弟兄六十老病
餘萬里同遭海隅送長披羊裘類嚴子罷食豬肝同
閔仲大男晉處事田畝幼子隨行躬釜壅低眉語笑
接隣父彈指吁嗟到蠻洞茅茨一日敢忘葺桑柘十
年須勉種來時邂逅得相攜歸去逡巡應復從莫驚
憂患爾來同久知出處平生共雖令子孫治家學休
炫文章供世用穎川築室久未成夜來忽作西湖夢
次韻子瞻和淵明擬古九首

客居遠林薄依墻種楊柳歸期未可必成陰定非久
邑中有佳士忠信可與友相逢話禪寂落日共杯酒
艱難本何求緩急肯相負故人在萬里不復爲薄厚
米盡鬻衣衾時勞問無有

閉門不復出效焉若將終蕭然環堵間乃復有爲戎
我師柱下史又以雌守雄金刀雖云利未聞能斫風
世人欲困我我已安長窮窮甚當辟穀徐觀百年中

又

蕭蕭髮垂素晡日過西隅道人愍我老元氣時卷舒
歲惡風雨交何不完子廬萬法滅無餘方寸可久居

將歸道上塵先拔庭中蕪一淨百亦淨戎物皆如如

又

夜夢被髮翁騎驎下大荒獨行無與遊闖然欵我堂
高論何崢嶸微言何渺茫我徐聽其說未離翰墨場
平生氣如虹宜不葬北邙少年慕遺文奇姿揖昂昂
衰罷百無用漸以園斷方隱約就所安老退還自傷

又

海康雜蠻蜒禮俗久未完我居近閭閻願先化友冠
衣冠一有耻其下胡爲頽東隣有一士讀書寄賢關
歸來奉親友跬步行必端慨然頽流俗歎息未收彈

提提烏鳶中見此孤翔鸞漸能衣表褐袒楊知惡寒

又

佛法行中原儒者耻論茲功施冥冥中亦何負當時
此方舊雜染渾渾無名緇治生守家室坐使斯人疑
未知酒肉非能與生死辭熾哉吳閩間佛事不可思
生子多穎悟德報豈吾欺時俾正法眼一出照曜之
誰為邑中豪勤誦我此詩

憂來感人心悒悒久未和呼兒具濁酒酒醉起長歌
歌罷還獨舞黍麥力誠多憂長酒易消脫去如風花
不悟萬法空子如此心何

杜門人笑我不知有天遊光明遍十方咫尺陋九州
此觀一日成袞袞通法流竿木常自隨何必返故丘
老聃白髮年青牛去西周不遇闕尹喜履迹誰能求

又

鉏田種紫泛有根未堪採逡巡歲月度太息毛髮改
晨朝玉露下滴瀝投滄海須臾忽長茂枝葉行可待
夜燒沉水香持戒勿中悔

雨中招吳子野先生一絕

循州作

柴門不出蓬生徑暑雨無時水及堂碎穀賴君能作
客暫來煎蜜餉桃康

答吳和二絕

三間涸水小茅屋不比麻田新草堂問我秋來氣如火此問何事得安康

慣從李叟遊都市及伴藍翁醉畫堂不似蘇門但長

嘯一生嗚恨與嵇康子野皆與字上寧縱遊京師與蓋喬同客曾魯公家甚久

開九月重九與父老小飲四絕

九日龍山露霜凝龍川九日氣如烝偶逢閏月還重九酒熟風高喜不勝

獲罪清時世共憎龍川父老尚相尋直須便作鄉關看莫起天涯萬里心

客主俱年六十餘紫萸黃菊映霜鬚山深瘴重多寒熟老大須將酒自扶

尉佗城下兩重陽白酒黃雞意自長卯飲下床虛已散老年不似少年忙

求黃家紫竹杖一首并引

子於龍川買曾氏小宅宅西南隅有紫竹百餘竿為藤蔓所困無復直幹雖為伐藤而見竹偃弱無可為杖者黃氏老家有紫竹甚茂乞得一莖勁挺可喜聞黃氏竹舊自曾氏移植偶為詩示之

曾家紫竹君家種曾園竹與荒藤共藤驕竹瘁如

畏人不似君家竹森聳我來買宅非為宅愛此風
 稍時一弄磨刀向藤久未忍樹倒藤披真自送繁
 陰一豁新莽地狂鞭欲向青春動我身病後少筋
 力遍求柱杖扶腰痛蕭蕭瘦幹未能任一畝君家
 知足用一枝遣我拄尋君老酒仍煩為開甕

賦豐城劍一首 北途滌中作

劍氣夜干斗精誠初莫隔全身寄獄戶隱約還自得
 張雷彼知我為汝一出腰間雜環佩亦既報之德
 凜凜天地間要非手中物躍入延平水三日飛霹靂
 出當乘風雷歸當卧泉石千年故穴在三嘆泉上客

范丞相堯夫挽詞二首 詩州作

持身守忠恕臨事耻浮沉直道更三黜平生惟一
 心家風來自遠國論老彌深令待真如玉泥沙枉見侵

又

南遷頭已白北返病初加君意知無罪天心許到家
 同朝曾忝舊握手一長嗟時事紛無已還應付棣華

卜居一首

我歸萬里初無宅鳳去千年尚有臺誰為遠池先種
 竹可憐當砌已栽梅囊貲只數腰金在歸計長遭鬢
 雪催欲就草堂終歲事落成隣舍許銜杯

和子瞻過嶺一首

山林瘴霧老鉗堪歸去中原茶亦耳有命誰令終返
北無心自笑欲巢南蠻音慣習疑僞語脾病縈纏帶
嶺嵐手挹祖師清淨水不嫌白髮照鏡七

子瞻贈嶺上老人次韻代老人答一絕

嶺頭盧老一爐灰長短根莖各自栽輕賤已消先世
業知君海上去仍回

樂城後集卷第二

樂城後集卷第三

詩七十首

大行皇太后挽詞二首

累朝宗內治晚歲擅鴻勳立子得元聖收簾奉長君
一言消橫逆多難弭紛紜仙馭曾非遠長瞻輦洛雲
又

家風承舊相國體繼皇姑定策從中禁傳聲震海隅
春風開閉蟄朝露濕焦枯萬里生還客冠纓淚雨濡
追尊皇太后挽詞二首

月缺年何久龍飛事一新追崇名號正同祔禮容均

鳳翥低迎日龍輻細起塵都人知舜孝擁締盡露巾

又

德美鍾岐嶷榮華倍感傷一時朝野恨自世本支長
出祖悲無憾因山儉有光它年過嵩洛望拜裕陵旁

贈史文迪奉議二首

墻比史居士掛冠心轉閑頂關人共怪神去夜寐還
白雪微侵鬢丹砂久駐顏從君欲問道何日徑開關

又

有叟住東野畏人希入城君時共還往我欲問修行
早歲識巖客近時逢絳生真能訪茅屋屣履試將迎

次前韻示楊明二首

晚歲有餘樂天教一向閑嵩陽百口住嶺外七年還
十宅先隣晏携瓢欲飲顏吳僧來不久相約叩禪關

又

甘井元依廟干湖亦近城幅巾朝食罷芒屨雨中行
擾擾初何事悠悠畢此生欲邀東郭叟煩子作郊迎

唐修謨

義問

挽詞二首

家風臺栢老遺直故依然節見南遷後神疑未暝前
臨民舊有法訓子適成篇九轉今猶在參同豈妄傳

又

我返南荒日君歸舊許初笑談寬老病旌旆擁茅廬
酒盞開雖數溪堂到尚踈誰言生死隔近在浹旬餘

寄題登封揖仙亭一首

靈王太子不讀書縱談穀洛參諸儒生來不見全盛
初老成遺訓誰措模心知漸失文武餘蕭然直入山
中居山閒吹笙鳳凰呼升天白日乘龍車周人聚觀
拜路隅明月為佩雲為裙歸來千歲孰任無赤松老
彭自為徒上待玉宸臨九區烜赫不類山澤癯依山
作邑賢大夫夜中焚香遡空虛我欲從之駕肩輿秋
風八月來徐徐

吳冲卿大夫秦國挽詞二首

國老相隨盡家風慨獨存見夫成相業聽子得忠言

夫人長子起居苦將論事以南廷之憂訪於夫人夫人必當官許駢氣節慙多士聲華

盛一門平生高義重未易俗人論

雅頌成章早春秋發論長風規晉叔向文采似中郎

覽古明興廢臨危喜激昂南遷初不恨李杜得從滂

十一月十三日雪一首

南方霜露多雖寒雪不作北歸亦何喜三年雪三落
我田在城西禾麥敢嫌薄今年陳宋災水旱更為虐
閉糴斯不仁逐熟自難卻飢寒雖吾患尚可省鹽酪

飛蝗昨過野遺種遍陂灤春陽百日至鬧若蠶生箔
得雪流土中及泉盡魚躍美哉豐年祥不待炎火灼
呼兒具樽酒對婦同一酌誤認屋瓦鳴更願開雪脚

補子瞻贈姜唐佐秀才一首

予兄子瞻謫居儋耳瓊州進士姜唐佐往從之遊
氣和而言道有中州士人之風子瞻愛之贈之詩
曰滄海何曾斷地脉白袍端合破天荒且告之曰
子異日登科當為子成此篇君游廣州州學有名
學中崇寧二年正月隨計過汝南以此句相示時
子瞻之喪再逾歲矣覽之流涕念君要能自立而

莫與終此詩者乃為足之

生長茅間有異芳風流稷下古諸姜適從瓊管魚龍
窟秀出羊城翰墨場滄海何曾斷地脉白袍端合被
天荒錦衣它日千人看始信東坡眼目長

遷居汝南一首

我昔還自南從北適舊許再歲常杜門壁觀無與語
何人自驚顧未聽耶安處亟逃穎州籍來貫汝南戶
妻孥不及將童僕共罇俎身如孤棲鵲夜起三遶樹
故人樂安生風節似其父忻然整一笑捨我西南去
去已還閉門時作野田步蕭條古僧舍遺像得顏魯

精神凜如生今昔吾與女已同羈窮厄但脫生死悞
幸世方和平有土非寇虜春寒燒黃茅晝飯煮青茹
何必濕上田幸此足糗餘歸心念狂簡裁製特莫特

索告三首

索居非謫地垂老更窮途去住看人意幽憂賴我無
小園花草嫩陋巷犬羊俱近覺根塵離忘言日益愚

又

平生亦何事十載苦顛墜夢喻曾非嶮覺迷終不迷
客居燕壯子別久愧良妻相訝音書闊春陰道路泥

又

許蔡古隣國風煙相雜和蕭然客舍靜不願主人過
野齋春將老淮魚夏漸多街南病居士有酒對酣歌

聞諸子欲再質卞氏宅一首

我生髮半白四海無尺椽卞氏昔冠冕子孫今蕭然
願以棟宇餘救此朝夕懸願我亦何有較子差尚賢
傾囊不復惜埽地幸見捐南隣隔垣墻兩孫存故廬
松竹手自種風霜歲逾墜幽花亂蜂蝶古木嘶蜩蟬
垂陰可數畝成功幾百年人心苦無厭隱居恨未圓
得之苟有命老矣聊息肩畚土填隙穴結茅苴滿穿
粗爾容偃息豈復求華鮮西歸信已乎永雜孫陳編

任氏閱世堂前大檜一首

君家大檜長百尺根如車輪身強直壯夫連臂不能
抱孤鶴高飛直上立狂風動地舞枝榦太雪翻空洗
顏色人言此會三百年未知昔是何人植君家大夫
老不遇一生夜氣未嘗屈沒身不說歸故里遺愛自
知懷舊邑此翁此檜兩相似相與閱世何終極汝南
山淺無良材櫟柱棟椽聊障日便令殺身起大厦亦
恐衆林無匹敵且留枝葉枕雲霓猶得世人長太息

贈蔡駢居士一首

結茅汝上只三間種稻城西僅一廛梅老外生詩律

在秀公弟子佛心傳埋盆壘石常幽坐留客開樽輒
醉眠開道隣儻乞米送時無帶子定誰憐

癸未生日一首

我生本無生安有六十五生來逐世法妄謂得此數
隨流登中朝失脚墮南土人言我當喜亦言我當懼
我心終頽然喜懼不入故歸來二頃田且復種禾黍
或疑潁川好又使汝南去汝南亦何爲均是食粟處
兒言生日至可就瞿曇語平生不爲惡今日安所訴
老聃西入胡孔子東歸魯我命不在天世人汝何預

白鬚一首

中歲謬學道白鬢何由生故人指我笑聞道未能行
我笑謝故人唯唯亦否否老聃古道師白髮生而有
佛告波斯匿汝有不白存亭中掌亭人何嘗隨客奔
客去不用留主在亭不毀墁墻支折棟在我不在爾
道成款玉晨跪乞五色丸肝心化黃金齒髮何足言

寒食二首

寒食今年客汝南餘樽傾寫亦醺酣道人又厭世間
濁僧舍猶存肉食慙花折園夫時送客餽留孫女尚
分甘叔詩有為翁欲遊紫極誰為伴長揖孤松對
不談紫極宮有巨松可數人抱

寄住汝南懷嶺南五年一醉又猶酣身逃爭地差云
靜名落塵寰終自慙耳畔飛蠅看尚在鼻中醇酢近
能甘今朝寒食唯當飲買酒先防客欲談

穎川城東野老一首姓劉氏名正

我歸穎川無故人城東野老須如銀少年推埋起黃
塵晚歲折節依仙真走如麀鹿人莫親呼來上堂飲
清樽踞牀閉目略頰伸指我黃河出混嶮東流入海
還天津沐浴周遍纒逡巡嬰兒踟躕乘日輪脫身遊
戲走四隣逢人不告非自珍許我已老知閉門東朝
太山款真君告我不返遊峨岷還家一舍卧不晨闔

棺空空但衣巾平生自言師洞賓嗟世賤目貴所聞

汝南示三子一首

此生賴有三男子到處來看老病翁飲食粗使魚稻
足音塵不隔馬牛風道場莫問何方是舍宅元依畢
竟空且爾不歸歸亦得汝曹免復走西東

謝任亮教授送千葉牡丹一首

花從單葉成千葉家住汝南疑洛南亂剝浮苞任狼
籍併偷春色恣醺酣香穠得露久彌馥頭重迎風似
不堪居士誰知已離畏金槩剪送病中庵

思歸二首

汝南百日哥走過三男子思歸非吾計聊亦爲爾耳
行裝理肩輿客舍卷床第兒言世情惡平地風波起
舟行或易搖舟靜姑且已匏繫雖非願蠖屈常有埃
老人思慮拙小子言有理晨炊廩粟紅晚市淮魚美
索居庖無人歸去迎伯姊終歲得安閑幽居無彼此

又

我老不待言有女年四十念我客汝南無與具朝食
翩然乘肩輿面有風土色許蔡雖云近傳舍三經夕
衰老累汝曹愧歎心不擇磨刀繪縷紅洗盞酒花白
母老行役雖女來生理葺外孫跨鞍馬遇事亦閑習

居然數口家解我百憂集厄窮須父子它人非所及

萬蝶花一絕

誰唱殘春蝶戀花一團粉翅壓枝斜美人欲向釵頭
挿又恐驚飛鬢似鷗

春盡一首 二月二十三日立夏

春風過盡百花空燕坐笙簫起城中樹影連天開翠
幕鳥聲入耳當歌童榜嚴十卷幾四讀法酒二升是
客同試問隣僧行乞在何人開暇似衰翁

夢中詠醉人一首 四月十日夢中篇首四句起而足之

城中醉人舞連臂城外醉相人枕睡此人心未必

空甃爾頽然似無事我生從來不解飲終日騰騰少
憂累昔年曾見樂全翁自說少年飲都市一時同飲
石與劉不論斗俱不醉樓中日夜狂歌呼錢盡酒
空姑且止都人疑是神仙人誰謂兩人皆醉死此翁
年老不復飲面光如玉心如木我今在家同出家萬
法過前心不起此翁已死誰與言欲言已似前生記

立秋偶作一首 六月二十二日

十年憂患本誰知慙愧仙翁有舊期度嶺還家天許
我斲山種粟我充誰秋風欲踐故人約春氣潛通病
樹滋心似死灰鬢似雪眼着多事亦奚為

汝南遷居一首

病暑暑已退思歸未成歸人事不可期當受不當違
客居汝南城未覺吾廬非忽聞鵲反巢坐使鳩鷺飛
三選擇所安一枝粗得依我來衆草生漸見百卉腓
天行若循環物化如發機閉目內自觀此理良密微

寄內一首

與君少年初相識君年十五我十七上事姑章旁兄
弟君雖少年少過失昏晨定省歲月短五十還朝定
何益憂深責重樂無幾失足一墜南海北身居甯中
不見天仰面虛空聞下石丈夫學道等憂患婦人亦

爾何從得歸來舊許生白鬚回顧慙君髮如漆遷居
汝南復何事龜老支牀隨所擲相望一月兩得書聞
君肺病久消釋我經已伏常暴下近喜秋風掃溼
病除寢食未復故相見猶驚身似腊劉根夫婦俱有
道去目饒君著鞭策

病愈二首

學道雖云久沉痾竟未除炎烝度三伏暍曉覺中虛
嘉穀不自長荒榛終費鉏何辭荆蘭石梨棗得扶踈

又

病退日身輕身輕心轉清山空流水上海靜寸燈明

朝市誰留住林泉自不行筠溪慙丐士流蕩過平生

六日三首

早歲寡歡意衰年仍病纏客居逢九日十酒破千錢
萸菊驚秋晚兒孫慰目前登高懶不出多酌任頽然

又

狂夫老無賴見逐便忘歸小酌還成醉僑居不覺非
妻孥應念我風雨未縫衣憂患十年足何時賦式微

又

黃菊與秋競白鬚隨日添時人知不意野老未相嫌
但酌清樽盡猶存薄俸霑日西聞客至更問酒家帘

立冬聞雷

首九月二日

陽淫不收欽半歲苦常燠禾黍飼蝗螟稂稻委平陸
民飢強扶耒秋晚麥當宿閔然候一雨霜落水泉縮
蒼蔚山朝隴滂沱雨翻瀆經旬勢益暴方冬歲愈蹙
半夜發春雷中天轉車轂老夫睡不寐稚子起驚哭
平明眎中庭松菊半摧秃潛發枯草萌亂起蟄蟲伏
薪樵不出市晨炊午未熟首種不入土春餉難滿腹
書生信古語洪範有遺牘時無中壘君此意誰當告

將歸二首

十月三日

久客初何事言歸似有名騰騰且隨俗落落竟無成

病苦醫猶厭囊空身自輕家人驚別後無限白鬚生
又

為客不滿歲還家見兩孫遙知臨竹戶相對引瓢樽
老罷那嫌瘦心寬尚喜存風波隨處有何幸免驚奔

示資福論老一首

并引

予讀楞嚴至塵既不緣根無所偶反流全一六用
不行釋然而笑曰吾得入涅槃路矣然孤坐終日
猶苦念不能寂復取楞嚴讀之至其論意根曰見
聞逆流流不及地名覺知性乃嘆曰雖知返流未
及如來法海而為意所留隨識分別不得名無知

覺明豈所謂返流全一也哉乃作頌以示論老

幽居百無營孤坐若假寐根塵兩相接逆流就一意
意念紛無端中止不及地寂然了無覺乃造真實除
百川入滄溟象水皆一味止為潭淵深動作濤瀾起
動止初何心乃遇適然耳吾心未嘗勞萬物將自理

三不歸行一首

客心搖搖若懸旌三度欲歸歸不成方春欲歸我日
懶秋冬欲歸事自變問我欲歸定何時天公默定人
不知孔公晚歲將入楚磐桓陳蔡行且住昭王已死
不復南意欲歸老父母邦衛靈父子無足取姑爾息

肩埃東魯三桓豈知用聖人哀公亦自不能臣冉求
一戰却齊虜請君召師君亦許歸來閉戶理詩書弁
冕時出從大夫燕見周公已不復老死故國心亦足
孔公愈老愈屯遠觀我未及門下賢鄉邦萬里不
能往妻孥近寄潁川上依嵩架類結茅茨自問此忘
於何期汝南一寓歲行復來年歸去栽松竹

罷提舉太平官欲還居潁川一首

避世山林中衣草食半粟奈何處朝市日耗大倉積
中心久自笑公議肯相釋終然幸寬政尚許存寄秩
經年汝南居久與茅茨隔祠官一掃空避就兩皆失

父子相携扶里巷叮可印屋弊且巧墻蟻餘向遺粒
交遊忌點滌還往但親戚閉門便衰病杜口謝彈詰
餘年迫懸車奏草屢濡筆籍中顛未敢爾後儻容乞
幽居足暇豫肉食多憂慄求懷城東老未盡長年術

次遲韻寄迓遜一首

飢民畏寒尤惡寒旋理破裘絰敗纈我雖久客未成
歸黍酒壘燄還潑節汝南薪炭舊如土爾來薄俸纔
供藝服前煖熱無可道心下清涼有餘絮潁川歸去
知何時祠宮欲罷無同列夜中髣髴夢兩兒欲迓老
人先聚說

次遲蘇對雪一首十一月二

雪寒近可憂麥熟遠有喜我生憂喜中所遇一已委
平生聞汝南未賤豚魚羨今年惡蝗旱仇氏鬻妻子
一食方半菽三日已于耜號呼人誰聞愍惻天自邇
繁陰忽連夕飛霰墮千里卷舒驚大連原隰殊未被
貧家望一麥生事如毛起葶飢當逐熟西去真納履
還潁川一首甲申正月五日

昔貧仕不過避世遊金馬嗟我獨何為不容在田野
畝區寄汝南落泊反長社東西俱畏人何適可安肯
故廬已荆榛遺隴但松楸頽齡迫衰慕舊物一已捨
安能爲妻孥辛苦問田舍平生事瞿曇心外知肯假
歸休得溟渤坐受百川瀉何人實造物未聽相陶冶

題鄆城彼岸寺二首

文殊院古栢

曾看大栢孔明祠行盡天涯未見之此樹便當稱子
行它山只可作孫枝棟梁知事誰家用舟楫唯應海
水宜日莫飛鷗集無數青田老鶴未曾知

武宗元比部書文殊玄奘

遺墨消磨禪陸餘開元一一數吳盧本朝唯有宗不
近國木長晉後世模出世真人氣雍穆入藩老釋面

清癯居人不惜遊人愛風雨侵陵色欲無

上巳日父病不出示兒姪二首

春氣侵脾久在牀開門桃李著泥香牛鳴頗覺西湖
近鳳去長憐北榭荒欲出老人無伴侶退歸諸子解
農桑月隣約賣千竿竹拄杖穿林看莠長

卧聞諸子到西湖鵲鷺翩翩眾客供紈扇藤屨試輕
馱隻雞斗酒助歡娛行歌久已饒渠輩睡美猶應屬
老夫春服既成沂正浴孔門世不乏迂儒

葺東齋一首

三月十日

弊屋如鷲巢歲歲添泥土泥多甃完紫屋老終難固

况復非吾廬聊爾避風雨圖書易新幌几杖移故處
宵眠不擇安鼻息若炊釜兒孫喜相告定省似蚤莫
我生溪山間弱冠衡茅往生來乏華屋所至輒成趣
苦恨無囊金莫克償地玉投老付天公著身豈無所

次遲韻千葉牡丹二首

溟上名園似洛濱花頭種種闢尖新共傳青帝開金
屋欲遺姚黃比玉真秦嶺猶應篆詩句仕鶴直恐降
天神老人髮少花頭重起舞歌斜酒力勻

老人無力年年懶世事如花種種新百巧從來知是
妄一機何處定非真園夫漫接曾無種物化相乘豈

有神畢竟春風不揀擇隨開隨落自勾此

盆池白蓮一首

白蓮生於泥清濁不相干道人無室家心迹兩蕭然
我住西湖濱蒲蓮若雲屯幽居常閉戶時聽遊人言
色香世所共眼鼻我亦存隣父閱我獨遺我數寸根
淚水不入園庭有三尺盆兒童汲井日晏泥水濕
及秋尚百日花葉隨風翻舉目得秀色引息收清芬
此心湛不起六塵空過門誰家白蓮花不受風霜殘

詠竹二首

湖濱直草木脩竹可三尋屢居多野思移種近牆陰
及爾迷未醒方予熱正侵無嫌不逮本地薄肯成林

又

南隣竹甚茂門巷不容寬縣印君當往囊金我患貧
翠旌稍亂起犀角筍初勻不惜圖書賣端來作主人

見兒姪唱酬次韻五首

芝蘭生吾廬一雨一增傳本亦何預人讓抱終眷眷
老傳時已迫塵垢日須浣未慙舊文書展讀不終卷

又

讀書雖不慙不讀亦自好根牙就區別花實隨時老
耘鋤不可無雨露勿憂少我釣不在魚一竿寄洲島

又

宇宙非不寬，開門自為阻。心知塵外惡，且忍閑居苦。
跏趺默非睡，龕燈翳復吐。道士為我言，嬰兒出歌舞。

又

身病要須開，閑極自成趣。空虛無近道，懶拙初非悟。
偶將今生脚，還著古人履。大小適相同，本來無別處。

又

西湖雖不到，甘井竊餘涼。三伏罷飲酒，桂漿攜一觴。
冠者五六人，起舞互低昂。人生有離合，此歡未易忘。

初得南園一首

倒裳僅得千竿竹，掃地初開一畝宮。十里故園寬處，
裏百年生事寂寥中。晏家不願諸侯賜，顏氏終成陋
巷風。洗竹移花吾事了，子孫它日記衰翁。

移竹一首


牆陰竹葉密，板築念相妨。欲補園東缺，欣乘雨後涼。
三年生筍遍，一徑引風長。但恐翁彌老，筇板懶復將。

記夢一首
六月廿二日

長魚三尺困橫盆，送入清流喜欲奔。報我金是僅盈，
寸擲還聊喜不貪存。

樂城後集卷第三

城後集卷第三



樂城後集卷第四

詩七十首

葺居五首

南堂初一家隔絕歲月久開牆比風入爽氣通戶牖
棟梁未堪折斤斧聊結構非言事輪奐粗及昔人舊

又

庭方正數尋風月所從入百年養毒樹攢芒比刀戟
伐之念生久不伐愁跣足且復為人謀庖椹利朝食

皂用木
宜食椹

又

樂城後集

卷第四

一

竹林失蕃養春筍日瑣細草蔓半縈纏樗櫟互虧蔽
已令具刀鑿稍埃秋霜厲欲成林下飲更種園東地

又

雜花生竹間竹荒花亦瘁移花通在鞭春到兩皆遂
牆東破茅屋排去按遺址時來拾瓦礫細細晉花地

又

東南皆民居屋敗如齧齒一完城未能綴葺聊且爾
內修晨夜虞外結比隣喜無心本何營生理未免此

再賦葺居三絕

誰將脩竹寄隣家秋斫長竿春食芽旋築高牆護鷄

犬稍容嵇阮醉喧譁

短垣疏戶略藏遮翠竹長松夾徑斜遊宦歸來四十
載粗成好事一田家

南北高堂本富家百年梁柱半欹斜略教扶起猶堪
住西望吾廬已自奢

歲莫口號二絕

六十來年又七年眼昏頭白意茫然逢人欲說平生
舊少有能知兩世前

兩世相從今幾人回頭強半已埃塵此心點檢終如
一時事無端日日新

雪後小酌贈內一首 乙酉正月九日

薄雪爲燈正和風應節來出遊吾已懶小酌意難裁
竹徑泥方滑善畦凍欲開細君憐老病加料作新醅

喜雨一首

三月二十三日

奪官分所耳年來祿又絕天公尚憐人歲賚禾與麥
經冬雪屢下根鬚連地脉庖厨望麩餌甕盎思麴蘖
一春百日旱田作龜板拆老農淚欲墮無麥真無食
朱明候纔兆風雷起通夕田中有人至膏潤已逾尺
繼來不違願飽食真可必民生亦何幸天意每相恤
我幸又已多鉏來坐不執同爾樂豐穰異爾若稅役

時聞吏號呼手把縣符赤歲賦行自辦橫歛何時畢

収蜜蜂一首

空中蜂隊如車輪中有王子蜂中尊分房減口未有
處野老解與蜂語言前人傳蜜延客住後人秉艾催
客奔布囊已裹開如市空入竹屋新且完小窻出入
旋知路幽圃首夏花正繁相逢處處命儔侶共入新
宅長子孫今年活計知尚淺蜜蠟未暇分主人明年
少割助和藥慙愧野老知利源

養竹一首

病竹養經年生筍大如母初番放出林末番任供口

欲求五寸園更聽三年後蕭疎盡椽楠無復堪作帚
吾廬適營葺便可開戶牖秀色到衣冠清風盪塵垢
物生恨失養養至無不厚斧斤目摧割陰陽自難救
閑居翫草木農圃卽師友養人如養竹舉目皆孝秀

和遲田舍雜詩九首并引

吾家本眉山田廬之多寡與楊子雲等仕宦流落
不復能歸中窺嶺南諸子不能盡從晉之潁川買
田築室賒飢寒之患旣蒙恩比還因而居焉然拙
於生理有無之計一付諸子夏五月麥方登場遲
往從諸農夫簞瓢銜艾知以爲樂作詩九章澹然

有詩人之思歸而山之爲和之云

麥生置不視麥熟爲一來我懶客亦情田荒誰使開
勤事知有獲直駕獨來回交遊悉吾病門巷多蒼苔

又

我生無定居投老旋求宅未暇棟宇完先問松筠碧
床銳日益銷車轄轉生澁東家雖告貧鬻否猶未必

又

偶自十年閑非繼十人作早歲漫云云忘大終落落
齒髮已半空頭顱不難度顏曾本吾師終身羨藜藿

又

至人竟安在陶鑄皆批糠世俗那得知楚楚事冠裳
方醉狂正作吾語未可莊天定能勝人更看熟黃梁

又

平湖近西垣杖履可以遊偶從大夫後不往三經秋
盜中插蒲蓮菱芡亦易求閉門具樽俎父子相獻酬

又

試問西寺僧云何古佛意別無安心法但復遊師媿
外物來無從往亦無所至佛法見在前我亦從此逝

又

老佛同一源出山便異流少小木好道意在三袖洲

子房見黃石願封小國晉終老預人事斷穀為呂憂

又

蒼然澗下松不願世雕刻斧斤百夫手牽挽千牛力
斲成華屋柱加以綴衣飾人心喜相賀松心終自惜

又

汲汲陷有為昏昏墜無記湛然古井水心在獨無意
讀書非求解食粟姑自遂幸有三男子力田奉租稅

兩病一首

晴送麥入倉雨催穀含穗共怪天公仁曲盡老農意
誰為三日霖下漉一丈地百谷爭奔流通川不可厲

夜聞屋山落晝說城闔閉老羸知柰何脾病尤所畏
中宵得暴下亭午卧忘起良醫過我言勿藥行自喜
損食存谷神收心辟邪氣几然槁木居油爾元和至
天唯不窮人人則昧其理學道三十年愧爾良醫賜

施崇寧寺馬一首并引

予自龍川還潁川安於閑放不畜車馬僧悟緣自
成都來爲予致一滇馬甚駿曰聞公歸自南方家
無良駒此可以備登山之乘予愧其意不能却也
然馬入吾廊輒苦多病意具非吾物也西鄰道僧
和禪席之盛鄉閭之所奔走乃祝之曰俾爾爲和

馬歸依佛法乘病或已乎因爲詩以示和

南歸閉門萬事了病卧常多起常少未用田間下
澤車何須櫪上追風驟鄉人記我少年日滇馬爲
致風前鳥三年伏櫪人共怪馬不能古心可曉坐
馳千里氣蟠結日食生芻空自笑主人自是箕穎
人誰復爲送洮岷道支公惠眼識神駿山下泉其
足芳草法流一洗百病消翹足長鳴且忘老

南堂新斃花壇二首

亂竹侵紅藥病花羞晚春移根近談笑得土長精神
榮悴非由爾芬芳止爲人庭西并泉好汲灌每躬親

又

老木不恐伐橫法枝宜少除根莖漸有託兩露稍分
餘生意初無損開花終自如它年諸草木成此幽后

夢中謝和老惠茶一首

西鄰禪師憐我老北苑新茶惠初到晨興已覺三嗅
多午枕初便一杯少七椀前嘗病未能兩腋風生空
自笑定中直往蓬萊山盧老未應知此妙

新霜一首

敗簷疏戶秋寒早老人脚冷先知曉濃霜滿地作微
雪落葉投空似飛鳥新春未覺廩庾空宿逋暗奪衾

調少早田首種水言入敢信來年真食麩

戲作家釀二首

方暑儲翅葉及秋春秫稻甘泉汲桐栢火候問隣媪
唧唧鳴甕益噉化梨棗一撥欣已熟急爲嫌不早
病色變溼丹羸軀驚醉倒子雲多來遊好事時相造
嗣宗尚出仕兵厨可常到嗟我老杜門柰此牛平好未
出禁酒國耻爲甕間盜一醉汁滓空入腹誰復告俗

有入腹魚

又

我吹半合耳晨興不可無千錢買一斗衆口分須更

月俸本有助法許吏未俞愍愍坐相眎饒涎落盤盂
賴異雋乏水粳糯貴如珠今年利陂塌確聲喧里閭
典衣易鍾釜入壘坐醞醕歡欣走童孺左右陳肴蔬
細酌奉翁媪餘澗露庖厨話朝日南至相戒留全壺
一家有喜色經冬可無沽莫怪杜拾遺斗水寬憂虞

冬全雪一首

旱久愆不死連陰未成雪微陽凡地來顛風三日發
父老竊相語號令風為節講武罷冬夫畿甸休保甲
纍囚出死地冗官去煩雜手詔可人心吾君信明哲
風頻雪猶吝來歲恐無麥天公聽一言惟幸早誅賊

歲莫二首

嶺南萬里歸來客穎上六年多病身未死誰言猶有
命長閑豈復更尤人眼着世事知難了手注遺編近
一新點檢平生無半恨濁醪初熟正逢春

又

文章習氣消未盡般若初心老漸明粗有春秋傳舊
學終憑止觀定無生維摩晚亦諧生事彌勒初猶重
世名鬢髮來年應更白莫留塵滓澗澄清

春後望雪一首

秋雨僅熟禾冬雪不拊塊温風搜麥根天意欲為害

老濃強推測妄謂春當改三陽已換節六出尚茫昧
朝春扶桑暎夜聽土囊噫倉場久空竭榆棗方伐賣
丁夫病風熱孺子作瘡疥無知此何幸得罪彼有在
造物伊誰憎亦復自無奈慎勿翻雪海凍餒無疆界

除夜一首

年更六十七旬滿三百六俛仰定何爲萬事如轉轂
禪心澹不起非人自歌哭芸芸初莫禦勢盡行將復
學道道可成無心心每足守歲聽兒曹自笑未免俗
喜雨一首

歷時書不雨此法存春穢請誅旱魃天公信聞不魃

去出末門油雲裹嵩丘濛濛三日雨入上如膏流二
麥返生意百草萌牙抽農夫但相賀漫不知其由魃
來有巢冗遺邪遍九州一掃不能盡餘孽未遽休安
得風雨師速遣雷霆搜衆魃誠已去秋成儻無憂

甲子日雨一首

一冬無雪麥方病細雨迎春歲有望愁見積陰連申
子復令父老念耕桑瘦田未足終平計濁酒誰供清
且嘗賴有真人不飢渴閉門却掃但焚香

新火一首

百口共一竈終年事烹煎力耕飼飢饒竈斃火亦煩

昨日一百五老穉俱食寒呼童戛枯竹粲然吐青煙
適從何方來熒熒百家傳性火出真空應量會無邊
老病何所求石餅煮寒泉飲為一夫用無心固當然

次韻和人詠醪醑一首

蜀中醪醑生如積開落春風山寂寂已憐正發香
曉猶愛未開光的際半垂暝水弱如墜直上長松勇
無敵風中娜娜應數丈月下煌煌真一色故園聞道
開愈繁老人自恨歸無日百花已過春欲莫燕坐繩
床空歎息朝來清把得幽香按頭亂挿銅餅濕一番
花藥轉頭空誰能徃問天台拾

閑居五詠

杜門

可憐杜門久不覺杜門非林銑日日銷髀肉年年肥
眼暗書罷讀肺病酒亦稀經年客不至不冠仍不衣
眎聽了不昧色聲久已微終然渾為一誰言我無歸

坐忘

少年嘗病肺納息肺自飲靈液洗昏煩百藥無此驗
爾來觀坐忘一語頓非漸道妙有全力端能破諸暗
跏趺百無營純白乃受染至人不妄言此說豈吾僭

讀書

習氣不易除書魔開即至圖史紛滿前從卷亂忘睡
古今浩無垠得失同一軌前人已不悟今人復如此
愍然發婦憂嗟哉肉食鄙掩卷勿重陳慟哭傷人氣

買宅

我老未有宅諸子以爲言東家欲遷去餘積尚可捐
一費豈不病百口儻獲安田家伐榆棗賦役輸緡錢
長大可雙棟瑣細堪尺椽生理付兒曹老幸食耳眠

移竹一首

前年買南園本爲一畝竹稍去千百竿欲廣西南屋
木心初不爾百口居未足黽儻斤斧餘慙愧琅玕綠

東園有餘地補種何年復凜凜歲寒姿餘水非此簇
城中牡丹推高皇廟園遲迺聯騎往觀歸報未

開戲作一首

漢廟名園甲穎昌洛川珍品重姚黃雨餘往看初疑
晚春盡方開自不忙爭占一時人意速養成千葉化
工長老人終歲關門坐花落花開已兩忘

外孫文驥與可學士之孫也予親教之學作詩
俊發猶有家風喜其不墜作詩贈之一首

已矣石室老奄然三十年遺孫生不識妙理定誰傳
孔伋仍聞道賈嘉終象資文章猶細事風節記高堅

春深三首

郊原紅綠變青陰，閉戶不知春已深。
 稍喜荒畦添野薺，坐看新竹補疎林。
 簾中飛絮縈殘夢，窗外啼鶯伴獨吟。
 欲聽楞嚴終懶出，道人知我粗無心。
僧維竟時講楞嚴

小園松竹有清陰，懶病從茲日益深。
 醉客滿堂慙北海，野僧同社憶東林。
 逢人問道空長嘯，久客思歸尚越吟。
 三十年前誦圓覺，年來雖老解安心。

又

偶有茅簷溪水陰，溪水自西湖聽水亭不瓜派近依自城北而東吾廬適在其南
 城市淺非深。幽居每自比陳寔，古學何人貴社林。

父時來陪小飲兒曹頗解續微吟，前年僅了春秋傳。
 後有仁人知我心。

次遲韻示陳天倪秀才姪孫元老主簿一首

茅簷有佳客，肅肅清風興。吾孫成均來，左右良朋為。
 憐衆兄弟將，冠未有稱條。枚失爍爍中，林化薪蒸老。
 夫方苦貧不辦酒，如澠夏田已失麥。種豆喜多蠅，俗人多蠅為豆熟之祥。何以待君子，簞瓢容一升。
 君來豈非誤門庭，冷如水。

再次前韻示元老一首

豪桀多自悟，不待文王興。四方有餘師，十室豈無朋。

我老不知時早歲誰誤稱歸來理茅屋對客食藜蒸
遇渴即飲水何嘗問滷澆冠裳強包裹毀譽如飛蠅
植根久已爾苔賴日自升忘我亦忘法無水知消水

築室示三子一首

宅舍元依畢竟空小乘慣住草庵中一生滯念餘妻
子百口僑居怯雨風松竹已栽猶稍稍棟梁未具勿
忽忽三道院吾真足餘問兒曹莫問翁

開窓一首

綠竹琅玕色紅葵旌節花開窓風細細窺戶月斜斜
活計無多子文章自一家一牀方病卧隨意上三車

遜往泉城穫麥一首

少年食稻不食粟老居穎川稻不足人言小麥勝西
川雪花落磨糞成玉冷淘槐葉水上齒湯餅羊羹火
入腹五年墮俗粗得飽晨朝稻米纔供粥兒曹知我
老且饒觸熱泉城正三伏田家有信呼郎來亭午驅
牛汗如浴吾兒生來讀書史不慣田間爭斗斛今年
久旱麥粒細及半罷休饒老宿歸來爛熳煞蒼耳來
歲未知還爾熟百口且留終歲儲貧交強半倉無穀

送元老西歸

晝錦西歸及早秋十年太學爲親留讀詩俛就當年

說答策甘從下第收莫嫌簿領妨為學從此文章始
自由家有吏師遺躅在當令耆舊識風流

伯父士宦四十年當

時號為吏師

蜀人舊食決明花耳穎川夏秋少菜崇寧老僧
教人并食其葉有鄉人西歸使父為老言之戲
作一首

飲蔬舊塚決明花三嗅馨香每嘆嗟西寺衲僧并食
葉因君說與故人家

諸子將築室以畫圖相示三首

還家卜築初無地隨分經營似有時多斫脩篁終未

忍略存古栢更無疑畫圖且作百間計入室猶應三
歲期得到安居真老矣一生歌哭任於斯
舊廬近已借諸子新宅分耳臨老時萬里松楸終獨
往四方兄弟亦何疑竹間踈戶幽人到林上長松野
鶴期已覺高軒慙衛賜可怜黃犬哭秦斯
積因得果通三世臨老長閑自一時又爾觀心終未
悟偶然見道子無疑南遷北返吾何病片瓦尺椽天
與期自斷此生今已矣世間何物更如斯

題韓駒秀才詩卷一絕

唐朝文士例能詩李杜高深獨到希我讀君詩笑無

語恍然重見儲光義

秋社分題

天公閔貧病兩止得豐穰南畝傷功作東家杜酒香
分均思孺子歸遺笑東方肯勤拾遺住休嫌父老狂

釀重陽酒

風前隔年麴甕釀重陽酒適從臺無餽飲啜不濡口
秋嘗口已迫收拾煩主婦仰空露成霜寒庭菊將秀
金微火猶壯未可多覆部唧唧候鳴聲涓涓報初溜
輕巾漉糟脚寒泉養壘缶誰來供嘉節但約鄰人父
生理正艱難一醉陶衰朽它年或豐餘此味恐無有

中秋無月同諸子二首

風雨來無定泥塗日向深直埋今夜月直失衆人心
雲外天衢淨人間濁霧侵幽人久不寐起坐夜惜七
卷衣換斗酒欲飲丹明中坐看浮雲合遙憐四海同
旧說中秋明晴
四海同之清光知未泯來歲尚無窮且盡樽中
淥高眠聽風雨

予昔在京師畫工韓若拙為子寫真今十三年

矣容貌日衰展卷茫然葉縣楊生畫不減韓復

令作之以記其變偶作一首

白髮蒼顏日日新丹青猶是舊來身百年迅速何曾

住方寸空虛老更真一幅蕭條寄衰朽異時髮髯見
精神近存八十一章注從道老聃門下人



九日獨酌三首

府縣嫌吾舊黨人鄉鄰畏我昔黃門終年閉戶已三
歲九日無人共一樽白酒近令沽野店黃花旋遣折
籬根老妻也說無生話獨酌油然對子孫
故國忘歸懶問人新君斫竹旋開門菊生牆下不知
節酒滴床頭初滿樽漲水驟來真有浪淨雲卷自去
無根凡心漫作頽濱傳留與它年好事孫
平昔交遊今幾人後生誰復款吾門茅簷適性輕華

屋黍酒忘形敵上尊東圃旋移花百本西軒恨斫竹
千根舍南賴有凌雲栢父老經過說二孫古栢孫何
僅所種

泉城田舍一首

泉城欲治麥禾困五畝鄰家肯見分莫問三吳朱處
士似勝吾鄉楊子雲陰晴卒歲關憂喜豐約終身看
逸勤家世本來耕且養諸孫不用耻鋤耘



續坡後集

元卷四

十六

